

Guangjisi Minzcu Bau

ganhhau: CN45-0036 B.2018 Nd.1 Ng.17 liggaeuq dingyoux nienz ndwenlab coit

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3308期

Yungzsuij Haiguh Minzcu Daegsaek Banh-hag Bang Doi Mbanjmyauz Vut Gungz

融水开展民族特色办学助推苗乡脱贫

Yungzsuij Myauzcu Swciyen dangguh aen yienh guekgya cungdenj bangfuz haifat, mboujduenh doicaenh minzcu daegsaek gyauyuz diji gajgwz, doicaenh yivu gyauyuz bingzyaenx hwngfat, hawj gij cing-saenz “yawjnaek bangfuz caez bang ceiq, bang caizganq dox giethab” ndaw baugau Cibgouj Daih dang haenx youq Mbanjmyauz ndaej doek deih maj rag, dawz gij rag gungzhoj cawz bae. Yungzsuij mboujduenh cunggez gij gingniemh minzcu daegsaek banh-hag, dawz hagseng gungzhoj minzcu vnznoix 20 aen yanghcin sam faenh cih ngeih senj daengz ndaw yienh doegsaw, ndaw yienh gyalai hagvih 12000 lai aen, caemhcaiq youq siujyoz, cuhcungh, gauhcungh gak laeb aen minzcu

hagdangz ndeu, ndawde hagseng minzcu vnznoix ciemq 80% doxhwnj, seizneix doenghgiy hagdangz neix gaenq hwngfat baenz daengx yienh haujlai hagdangz ndawde hagdangz banh-hag ceiq miz daegsaek. Gak aen minzcu hagdangz laeb miz aenban minzcu 2 aen doxhwnj, yiengjsouh guekgya gak hangh cwngecwz ndei doiq hagseng minzcu vnznoix caeuq gij cwngecwz haeujcoengh ndaw yienh daegbied dingh'ok haenx.

Ciuq cam rox, Yungzsuij binaengz bued cienz 30 fanh maenz haeujcoengh gak aen hagdangz haiguh minzcu vnzva haeuj hagdangz hozdung, buek hagdangz aeu Yungzsuij Minzcu Cunghyoz, Yungzsuij Minzcu Siujyoz guh daiqbiuj haenx,

yungh gij vnzva minzcu vnznoix bang doi hagdangz daegsaek hwngfat, saedyienh vanzging son vnz, hoz-dung son vnz, vnzva son vnz. Hagseng daj doenghgiy hagdangz neix bizyez, mboujdan rox saw rox leix, haujlai lij rox eu Fwenmyauz, diuq Foumyauz, youq gak aen lingjyiz fat rongh fat ndit.

Hawj lwgnyez dieg gungzhoj hwnjhag ngaih, hwnjhag ndei, dwg diuzroen youqgaenj gatduenh gij gungzhoj daihdaih doxcienz haenx, Yungzsuij Myauzcu Swciyen ciuq dieg bae guh, dawz minzcu vnzva daegsaek yungzhaeuq gyauyuz sonhag gajgwz gak fuengmienh, byaij ok diuz roen ndei bang ceiq youh bang caizganq ndeu.

(Cinz Conhvaz)

Daizheiq Lajmbanj Ciengq Heiq Hoengh Cien Boux Mehgu Baij Dungxcaiz



乡村戏台唱大戏 近千姑妈展才艺

Ndwen 1 ngoenz 14, Sanhgyangh Dungcu Swciyen Linzhiih Cin Bingzbu Cunh banh aen denlij angqhoh aen daizheiq moq guhbaenz, ca mbouj geijlai cien boux mehgu haq daengz mbanj henzgyawj haenx, ndang daenj buhvaq moqsag, gapdoi rap byasoemj, nohsoemj, haex-naengj, daiq laex dauq ranzmeh angqhoh. Gyoengq mehmbwk caeuq vnzlai mbanj henzgyawj yungh ciengq Godung, dohyeh, ngaiz-bakranz, aenvenz caijdangz daengj fuengsik guh angqhoh, caenhcingz langhbaej gij fungcingz Dungcu naekgywd. Ndaw doz dwg gyoengq beixnuengx Dungcu diuqfoux angqhoh daizheiq moq guhbaenz.

(Vuz Lenyinh/吴练勋)

Gunghcwngz Fwen Lwnhgangj Haeuj Mbanjyauz

恭城山歌宣讲进瑶寨

“Eu fwen ciengq gok Cibgouj Daih, leih daengz cien fanh ranz beksingq. Yienghsienq moq miz hwngfat moq, beksingq daengx guek angqvauvau.” Mboengqneix, Gunghcwngz Yauzcu Swciyen Sanhgyangh Yangh Dadi Cunh banh “eu fwen lwnhgangj gij cingsaenz Cibgouj Daih haeuj Mbanjyauz” hozdung. Cibgouj Daih dang hai doxdaeuq, Gunghcwngz haeujlaeg hagsib, haeujlaeg lwnhgangj, gvangqlangh senhconz, riengj-vaiq hwng hwnj gij heiq hagsib senhconz gij cingsaenz Cibgouj

Daih dangj.

Dadi Cunh 95% vnz dwg vnz Yauzcu, cungj gyaenz eu fwen. Baez dingq daengz sing fwen, vnzlai aen cunh neix couh gag comz daeuq, vnzlai aen cunh henzgyawj hix dingqny sing fwen couh daeuq yawj. “Ngoenzhaenx gyoengq beixnuengx eu 100 lai hot fwen, neiyungz miz ‘daengx beksingq haenqguh cibsam haj’ ‘ciengxlwenx fatyienz conzdungj meijdwz’ daengj, cungj dwg yienhciengz cauqhuh, gvaq yinx lai!” Vnz Dadi Cunh Liuz Cungzyangz naeuq.

Ciuq cam rox, aen senhgyangjdonz gangj gij cingsaenz Cibgouj Daih Gunghcwngz bae gak yanghcin, mbanj gangj, gaenq gangj 26 ciengz, aen yienh neix lij leihyungh fatyienz Cunghvaz conzdungj vnzva maenhndei swnjcienz hwngfat gunghcwngz—Cienz Hag Cangqheiq Gyangjdonz, haiguh aen ciendaenz hagsib gij cingsaenz Cibgouj Daih, doenghgiy guhfap neix doidoengh hawj gyoengq vnzlai ndaej cienzmienh rox gij cingsaenz Cibgouj Daih.

(Liuz Senhcunh)

SIUSIK DINJ

简讯

● Mboengqneix, 2018 sw-cigih leih beksingq hanghmoeg—Guengjsae Heiqyienh “gvancez Cibgouj Daih caez guh aen siengjmuengh Cungguek” vnzzi cinghbinj haeuj mbanj leih beksingq yienjok hozdung youq Namzningz hainduj. Guengjsae Heiqyienh cujiz aendoih yienjok aenduenz Heiqcuengh, aenduenz heiqcaijdiu caeuq aenduenz heiqginghgi bae Bozbwz, Majsanh, Fuconh, Yizcouh, Sanglinz daengj si yienh yanghcin mbanj haiguh 136 ciengz leih beksingq yienjok.

(Lij Sienghbingz)

● Gaen bi neix daeuq, Liujcwngz Yen mboujduenh cauhoq lajmbanj fapceih senhconz gyauyuz fuengsik, damqra ok gij fuengsik guhhong bujfaz “bak aenmbanj bak ciengz heiq, bak hagdangz bak dangzgoq, bak anq bak laeh”, vih daengx gih gak dieg haiguh lajmbanj bujfaz daezhawj gingniemh ndei. Daj hengzguh “sam bak gunghcwngz” doxdaeuq, aen yienh neix 172 aen doihyienjheiq seizhoengq yienjok 2000 lai ciengz, haiguh gak loih dangzgoq fapceih ndawhag 1000 lai ciengz, fat gak cungj faplwd fapgi senhconz swlhliu 50 fanh faenh, vnzlai ndaej gyauyuz daengz 40 fanh vnzbaez.

(Fu Yungjsinh)

● Mboengqneix, Gveigangj Si Cinzdangz Gih Mungzgungh Cin banh aen vnzzi vanjvei hagsib gvancez gij cingsaenz Cibgouj Daih, aen cin neix haujlai aen doihyienjheiq ndawbiengz caeuq 1000 lai boux vnzlai doxcomz giz ndeu, ciengqgo diuqfoux, hagsib senhconz gij cingsaenz Cibgouj Daih.

(Dwng Fuzswng)

● Bi' gvaq doxdaeuq, Denhdwngj Yen yungh banhfap ndei, baenz caengz baenz caengz faengaj guhhong yinvu, doeksaed guhhong cwzyin, baujmaenh guhsat gij yinvu gaj ranzdajcawj gaj diengzhaex, doicaenh haiguh hong lajmbanj habyouq. Daengz seizneix, aen yienh neix gaj diengzhaex guhsat 5000 ranz, ciemq 100% gij soq yinvu; gaj ranzdajcawj guhsat 5000 ranz, ciemq 100% gij soq yinvu.

(Luz Linzhuj)